



## **TOSHKENT DAVLAT YURIDIK UNIVERSITETI REKTORINING B U Y R U G ' I**

---

15.11.2024

808-tm-son

### **Talabaga hayfsan e'lon qilish to'g'risida**

Bugungi kunda universitetda zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksiga rioya qilmaslik holatlari kuzatilmoqda. Jumladan, Toshkent davlat yuridik universiteti 4-binosida Xususiy huquq fakulteti 4-kurs talabasi Isroilov Islom Ilhom o'g'li 2024-yil 7-oktabr kuni dars mashg'ulotlariga ertalab 8:42 da 12 daqiqa kech qolib kelgan. Xususiy huquq fakulteti tyutori I.Mahmarahimov nima sababdan dars mashg'ulotlariga kech qolib kelganligi haqida tushuntirish xati yozishini so'raganda, talaba I.Isroilov tushuntirish xatini yozishdan bosh tortgan. Shundan so'ng talaba I.Isroilov fakultet tyutori I.Mahmarahimovni haqorat qilib (vay bila), senlagan holatda baland ovozda baqirib, jismoniy kuch ishlatib, urish maqsadida yaqinlashgan. Ammo, fakultet tyutori O.Akbarov tomonidan talaba ushlab to'xtatib qolingan. Shundan so'ng, talaba baland va qo'pol ovozda "senlar bilan Bosh prokuraturada gaplashaman" deb, tushuntirish xati yozishdan bosh tortib, binodan chiqib ketgan.

Ushbu holat yuzasidan talaba I.Isroilov 2024-yil 31-oktabr kuni universitetning Odob-axloq komissiyasiga chaqirtirilgan. Ammo, talaba I.Isroilov xabardor bo'lganligiga qaramasdan Odob-axloq komissiyasiga kelmagan.

Talaba ushbu harakatlari bilan Toshkent davlat yuridik universiteti Odob axloq kodeksining 16-moddasi (Xodim, talaba va doktorantlar dars mashg'ulotlari

va ishga o'z vaqtida kelishlari, mehnat hamda o'qish intizomiga rioya qilishlari shart), 17-moddasining 1-qismi 2-bandida (har qanday huquqbuzarlik yoki jinoyat sodir etish, jumladan, tuhmat qilish, haqoratlash) va 18-moddasining ikkinchi qismida (Xodim, talaba va doktorantlarning o'zaro munosabatlarida inson qadr-qimmatiga hurmatsizlik, shaxsiyatni kamsitish, o'zganing intellektual mulki yoki boshqa ijod mahsulini ruxsatsiz o'zlashtirib olish, qo'pollik, behayo so'zlar ishlatish, mushtlashish qat'iyan man etiladi) belgilangan tartib-qoidalarini buzgan.

Holat yuzasidan dalolatnoma tayyorlangan va universitet rektoriga bildirgi kiritilgan.

Yuqoridagilarni inobatga olgan holda, Oliy ta'lim to'g'risidagi nizomning (ro'yxat raqami 1222, 2003-yil 22-fevral) 51-bandi, Toshkent davlat yuridik universiteti Odob-axloq kodeksi, fakultet dekanining dalolatnomasi va bildirgisiga asosan

#### **BUYURAMAN:**

1. Xususiy huquq fakulteti 4-kurs talabasi Isroilov Islom Ilhom o'g'liga hayfsan e'lon qilinsin.

2. Fakulteti dekani (B.Musayev):

ushbu buyruq bilan fakultet talabalarini tanishtirsin;

hayfsan e'lon qilingan talabaning shaxsiy yig'ma jildiga buyruq nusxasi tikilishini ta'minlasin;

ikki marotaba hayfsan berilgandan keyin talaba tomonidan yana o'quv intizomini va TDYU tomonidan o'rnatilgan ichki tartib-qoidalari buzilganda talabani talabalar safidan chetlashtirish mumkinligi to'g'risida ogohlantirsin.

3. Mazkur buyruq bajarilishini nazorat qilish Yoshlar masalalari va ma'naviy ma'rifiy ishlar bo'yicha birinchi prorektor A.Xashimhonovga yuklansin.

**Rektor v.v.b.**



**I.RUSTAMBEKOV**

Toshkent shahar

**Kiritildi:**

Dekan (fan doktori yoki fan doktori  
(Doctor of Science) ilmiy darajasiga  
yoki xorijiy davlatlarning unga  
tenglashtirilgan boshqa ilmiy  
darajalariga yoki professor ilmiy  
unvoniga ega bo'lgan)

B.MUSAYEV

**Kelishildi:**

Yoshlar masalalari va ma'naviy-  
ma'rifiy ishlar bo'yicha birinchi  
prorektor

A.XASHIMHONOV



Direktor

SH.PO'LOTOV



Katta yuriskonsult

A.TURSUNOV

